



La cuviarta dil disc cumpact «Toni en il final».

MAD

Toni en il final, istorgia da ballape per uffants

■ (cp) Radio e Televisiun Rumantscha (RTR) e la Lia Rumantscha (LR) preschentan in ulteriur disc cumpact (DC) cun in'istorgia per uffants. «Toni en il final» sa numna l'istorgia da Zoran Drvenkar. En il center stat Toni, che dastga giudair il final dal Campiunadi europeic da ballape en il stadion a Vienna. E tge surpraisa, Toni daventa la fin in star da ballape. Suenther che RTR ha preschentà la fin da mars la pagina d'internet per uffants www.simsalabim.rtr.ch e l'avrigl en collavuraziun cun la LR ulteriurs 3 chapitels da las aventuras da Pippi Socalunga è uss puspè in portatun sin fiera. Gist per ils emprims gieus dal Campiunadi europeic da ballape en Svizra ed en l'Austria publitgeschan RTR e la LR in'istorgia da ballape. La rolla principala ha Toni. Ed era la squadra naziunala svizra da ballape gio- ga ina rolla centrala en l'istorgia.

En l'istorgia vai per Toni che n'ha betg simpel cun sia famiglia. Dapi emnas sesan

mamma, bab ed il frar Gian avant la televisiun e guardan mintga giu dal Campiunadi europeic da ballape. La finala gudogna il bab da Toni perfin bigliets per il final. Sa chapescha che l'entira famiglia sgola a Vienna. Ed en il mument decisiv daventa Toni sez in star da ballape.

Dal reminent: Per tut quellas e quels che s'interessan anc dapli per ballape vulettan nus render attent ad in glossari – elavurà da la Lia Rumantscha – ch'è accessibel sin las duas paginas d'internet www.rtr.ch e www.liarumantscha.ch ed ad in nov carnet OSL nr. 2309 «Ballape - Reglas, trics e tips». Quel carnet po vegnir empustà tar tut las librarías che vendan cudeschs rumantschs.

Il disc «Toni en il final» pon ins pustar tar RTR ubain tar la LR a Cuira.

www.simsalabim.rtr.ch

www.liarumantscha.ch

Tgi che giavischa infurmaziuns regularas davart novas purschidas rumantschas per uffants trametta in e-mail a l'adressa:

simsalabim@rtr.ch